## 0.0.1 gilānasuttam

- ekam samayam bhaqavā sakkesu viharati kapilavatthusmim nigrodhārāme. tena kho samayena sambahulā bhikkhū bhaqayato cīvarakammam karonti: "nitthitacīvaro bhagavā temāsaccayena cārikam pakkamissatī"ti, assosi kho mahānāmo sakko sambahulā kira bhikkhū bhaqayato cīvarakammam karonti: nitthitacīvaro bhagavā temāsaccavena cārikam pakkamissatī"ti. atha kho mahānāmo sakko vena bhagavā tenupasankami, upasankamitvā bhagavantam abhivādetvā ekamantam nisīdi. ekamantam nisinno kho mahānāmo sakko bhaqavantam etadavoca: sutam me tam<sup>1</sup> bhante, sambahulā kira bhikkhū bhagavato cīvarakammam karonti "nitthitacīvaro bhagavā, temāsaccayena cārikam pakkamissatī"ti na kho netam² bhante, bhagavato sammukhā sutam, sammukhā patiggahitam "sappaññena upāsakena sappañño upāsako ābādhiko dukkhito bālhagilāno ovaditabbo"ti.
- 2. sappaññena mahānāma, upāsakena sappañño upāsako ābādhiko dukkhito bāļhagilāno catūhi assāsanīyehi dhammehi assāsetabbo. assasatāyasmā, atthāyasmato buddhe aveccappasādo "itipi so bhagavā araham sammā sambuddho vijjācaranasampanno sugato lokavidū anuttaro purisadammasārathī satthā devamanussānam buddho bhagavā"ti. assasatāyasmā, atthā-

 $<sup>^1</sup>$ sutametaṃ-machasaṃ.

<sup>&</sup>lt;sup>2</sup>panetaṃ-machasaṃ, ke etaṃ-sī 1, 2.

bjt page 248

yasmato dhamme aveccappasādo "svākkhāto bhagavatā dhammo sandiţţhiko akāliko ehipassiko opanayiko paccattam veditabbo viññūhī"ti. assasatāyasmā atthāyasmato saṅghe aveccappasādo "supaţipanno bhagavato sāvakasaṅgho, ujupaţipanno bhagavato sāvakasaṅgho, ñāyapaţipanno bhagavato sāvakasaṅgho, yadidam cattāri purisayugāni aṭṭhapurisapuggalā esabhagavato sāvakasaṅgho āhuneyyo pāhuneyyo dakkhiṇeyyo añjalikaraṇīyo anuttaram puññakkhettam lokassā"ti. assasatāyasmā atthāyasmato ariyakantāni sīlāni akhaṇḍāni acchiddāni asabalāni akammāsāni bhujissāni viñnuppasatthāni aparāmaṭṭhāni samādhisaṃvattanikānīti.

3. sappaññena mahānāma, upāsakena sappañño upāsako ābādhiko dukkhito bāļhagilāno. imehi catūhi assāsanīyehi³ dhammehi assāsetvā evamassa vacanīyo. "atthāyasmato mātāpitusu apekhā"ti. so ce evam vadeyya: "atthi me mātāpitusu apekhāti. so evamassa vacanīyo. āyasmā⁴ kho māriso maraṇadhammo, sacepāyasmā mātāpitusu apekham karissati marissateva, no cepāyasmā mātāpitusu apekham karissati marissateva. sacāyasmato mātāpitusu apekhā⁵ tam pajāhā"ti. so ce evam vadeyya: "yā me mātāpitusu apekhā sā pahīnā" ti so evamassa vacanīyo: "atthi panāyasmato puttadāresu apekhā"ti? so ce evam vadeyya: "atthi

<sup>&</sup>lt;sup>3</sup>assāsaniyehi-sī 1, 2, syā.

<sup>&</sup>lt;sup>4</sup>āyasmāpi-sīmu, sī 2.

<sup>&</sup>lt;sup>5</sup>sādhāyasmā yā te mātāpitusu apekkhā-machasam, syā.

me puttadāresu apekhā"ti. so evamassa vacanīyo: "āyasmā kho māriso maraṇadhammo, sace pāyasmā puttadāresu apekhaṃ karissati marissateva, no cepāyasmā puttadāresu apekhaṃ karissati marissateva. sacāyasmato puttadāresu apekhā taṃ pajahā"ti.

- 4. so ce evam vadeyya: "yā me puttadāresu apekhā sā pahīnā"ti. so evamassa vacanīyo: "atthi panāyasmato mānusakesu pañcasu kāmaguņesu apekhā"ti? so ce evam vadeyya: "atthi me mānusakesu pañcasu kāmaguņesu apekhā"ti. so evamassa vacanīyo: " mānusakehi<sup>6</sup> kho āvuso, kāmehi<sup>7</sup> dibbā kāmā abhikkantatarā ca paṇītatarā ca. sādhāyasmā mānusakehi kāmehi cittaṃ vuṭṭhāpetvā cātummahārājikesu devesu cittam adhimocehī"ti.
- 5. so ce evam vadeyya: "mānusakehi kāmehi me cittam vuţţhitam cātummahārājikesu devesu cittam adhimocita'nti". so evamassa vacanīyo: "cātummahārājikehi kho āvuso devehi tāvatimsā devā abhikkantatarā ca panītatarā ca sādhāyasmā cātummahārājikehi devehi cittam vuţţhāpetvā tāvatimsesu devesu cittam adhimocehī"ti.

pts page 409

<sup>&</sup>lt;sup>6</sup>mānusakesu-sī 1, 2.

<sup>&</sup>lt;sup>7</sup>kāmesu-sī 1, 2.

bjt page 250

pts page 410

- 6. so ce evam vadeyya: "cātummahārājikehi me devehi cittam vuţţhitam tāvatimsesu devesu cittam adhimocita'nti". so evamassa vacanīyo: "tāvatimsehi kho āvuso, devehi yāmā devā abhikkantatarā ca paṇītatarā ca sādhāyasmā tāvatimsehi devehi cittam vuţţhāpetvā yāmesu devesu cittam adhimocehī"ti.
- 7. so ce evam vadeyya: 'tāvatimsehi kho devehi me cittam vuṭṭhitam, yāmesu devesu cittam adhimocita'nti". so evamassa vacanīyo: "yāmehi kho āvuso, devehi tusitā devā abhikkantatarā ca paṇītatarā ca. sādhāyasmā yāmehi devehi cittam vuṭṭhāpetvā tusitesu devesu cittam adhimocehī"ti.
- 8. so ce evam vadeyya: "yāmehi devehi me cittam vuṭṭhitam, tusitesu devesu cittam adhimocita'nti". so evamassa vacanīyo: "tusitehi kho āvuso, devehi nimmāṇaratī devā abhikkantatarā ca paṇītatarā ca. sādhāyasmā tusitehi devehi cittam vuṭṭhāpetvā nimmānaratīsu devesu cittam adhimocehī"ti.
- 9. so ce evam vadeyya: "tusitehi devehi me cittam vuţţhitam, nimmāṇaratīsu devesu cittam adhimocita'nti". so evamassa vacanīyo: "nimmāṇaratīhi kho āvuso, devehi paranimmitavasavattī devā abhikkantatarā ca paṇītatarā ca, sādhāyasmā nimmāṇaratīhi devehi cittam vuţṭhāpetvā paranimmitavasavattīsu devesu cittam adhimocehī"ti.

- 10. so ce evam vadeyya: "nimmāṇaratīhi devehi me cittam vuṭṭhitam, paranimmitavasavattīsu devesu cittam adhimocita'nti". so evamassa vacanīyo: "paranimmitavasavattīhi kho āvuso, devehi brahmaloko abhikkantataro ca paṇītataro ca. sādhāyasmā paranammitavasavattīhi devehi cittam vuṭṭhāpetvā brahmaloke cittam adhimocehī"tā.
- 11. se ce evam vadeyya: paranimmitavasavattīhi kho devehi me cittam vuţţhitam, brahmaloke cittam adhimocita'nti". so evamassa vacanīyo: "brahmaloko'pi kho āvuso, anicco addhuvo sakkāyapariyāpanno, sādhāyasmā brahmalokā cittam vuţţhāpetvā sakkāyanirodhe cittam upasamhārā"ti<sup>8</sup>.
- 12. so ce evam vadeyya: "brahmalokā me cittam vuţthitam sakkāyanirodhe cittam upasamhata'nti<sup>9</sup> " evam vimuttacittassa kho mahānāma upāsakassa vassasatavimuttacittena<sup>10</sup> bhikkhunā na kiñci nānākaraṇam vadāmi yadidam vimuttiyā vimuttinti<sup>11</sup>.

bjt page 252

<sup>&</sup>lt;sup>8</sup>upasaṃharāhīti-machasaṃ.

<sup>&</sup>lt;sup>9</sup>upasaṃharāmīti-machasaṃ.

<sup>&</sup>lt;sup>10</sup>āsavā vimuttacittena-machasam.

<sup>&</sup>lt;sup>11</sup>vimuttaniti-machasam.